

ქ. თბილისი

25 აპრილი 2012 წელი

ერთის მხრივ სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, მისამართი: ქ. თბილისი, ალექსიძის N1, შენობა-ნაგებობა N1, მე-2 სართული, ს/კ 202294980; სახელმწიფო ხაზინა, ა/ა 200122900, კოდი: 220101222 (შემდგომში “შემსყიდველი”) წარმოდგენილი მისი დირექტორის მოადგილის ბადრი ნიაურის სახით და მეორეს მხრივ სსიპ „საქართველოს ეროვნული არქივი” (შემდგომში „შემსრულებელი“), მდებარე: თბილისი, ვაჟა-ფშაველას გამზირი N1, წარმოდგენილი ეროვნული არქივის გენერალური დირექტორის, თეონა იაშვილის სახით, „სახელმწიფო შესყიდვების შესახებ” საქართველოს კანონის მე-10¹ მე-3 პუნქტის „ზ” ქვეპუნქტის შესაბამისად წინამდებარე ხელშეკრულებას შემდეგზე:

1. ხელშეკრულების საგანი

1.1 წინამდებარე ხელშეკრულების პირობების თანახმად, შემსრულებელი ასრულებს, ხოლო შემსყიდველი იღებს ვალდებულებას მიიღოს და აანაზღაუროს შემსრულებლის მიერ შესრულებული სამუშაოები.

1.2 შემსრულებლის მიერ შემსყიდველთან არსებული დაარქივებას დაქვემდებარებული დოკუმენტაციის სამეცნიერო-ტექნიკური დამუშავება.

ა) დოკუმენტებისა და საქმეების მოწესრიგებისას შედგენილი გეგმის მიხედვით, განახორციელოს საქმეების სისტემატიზაცია წლების და სტრუქტურული ნაწილების მიხედვით;

ბ) დოკუმენტების სამეცნიერო და პრაქტიკული ექსპერტიზა;

გ) საქმის ფორმირება, საქმეში ფურცლების სისტემატიზაცია, საბუთების შედგენა, საქმეების შეკერვა და ფურცლების ნუმერაცია;

დ) ყდების გაფორმება, დამოწმებული ფურცლების ჩაწებება, შესანახ საქმეთა სისტემატიზაცია, საქმეებისა და დოკუმენტების გასანადგურებლად გამოყოფა და აქტის შედგენა.

ე) შემსრულებლის მიერ დაბეჭდილი ანაწერების შეჯერება, შენაკრავების განლაგება სათანადო წესის მიხედვით და სამეცნიერო-ტექნიკურ დამუშავებასთან დაკავშირებული სხვა სამუშაოები.

2. ხელშეკრულების საერთო ღირებულება

2.1 წინამდებარე ხელშეკრულების სავარაუდო ღირებულება განისაზღვრება 4000 (ოთხიათასი) ლარის ოდენობით.

2.2 წინამდებარე ხელშეკრულების 2.1. პუნქტში მითითებული სავარაუდო ღირებულება შეიძლება შეიცვალოს მხოლოდ შესრულებული სამუშაოს მიღება-ჩაბარების აქტში მითითებული თანხის გათვალისწინებით.

3. ანგარიშსწორების ფორმა დავადები

3.1 წინამდებარე ხელშეკრულებით, გადახდა უნდა მოხდეს უნაღდო ანგარიშსწორებით, საბოლოო ანგარიშსწორება სამუშაოს დასრულების შემდეგ შესრულებული სამუშაოს მიღება-

ჩაბარების აქტზე და ანგარიშფაქტურაზე ორივე მხარის ხელმოწერიდან 10 (ათი) საბანკო დღის განმავლობაში.

3.2 სამუშაოების გაანგარიშებისას გამოიყენება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის #506 დადგენილება.

4. მხარეთა უფლება-მოვალეობანი

4.1 შემსრულებელი ვალდებულია:

განახორციელოს სამუშაოები სათანადო ხარისხითა და სრული მოცულობით ვადაში, რომელიც მითითებულია წინამდებარე ხელშეკრულებაში.

4.2 შემსრულებელი უფლებამოსილია:

მოთხოვოს შემსყიდველს გადაიხადოს სშესრულებული სამუშაოს შესაბამისი ანაზღაურება წინამდებარე ხელშეკრულების მე-2 დამე-3 მუხლში მითითებული დათქმის შესაბამისად.

4.3 შემსყიდველი ვალდებულია:

ა) უზრუნველყოს შემსრულებელი აუცილებელი მასალით (საქმეთა ყდები, ქაღალდი, წებო, კანაფი, და სხვა საკანცელარიო მასალა).

ბ) გადაუხადოს შემსრულებელს წინამდებარე ხელშეკრულებით განსაზღვრული თანხა მე-2 და მე-3 მუხლში დათქმული პირობების შესაბამისად.

4.4 შემსყიდველი უფლებამოსილია:

ნებისმიერ დროს გააკონტროლოს შემსრულებლის მიერ აღებული ვალდებულებების შესრულება და ხარისხი.

5. შესრულებული სამუშაოების მიღება-ჩაბარების წესი

5.1 წინამდებარე ხელშეკრულებით გათვალისწინებული სამუშაოების დასრულების შემდეგ შემსრულებელი შემსყიდველს წარუდგენს მიღება-ჩაბარების აქტს.

5.2. მიღება-ჩაბარების აქტში მითითებულია:

ა) შესრულებული სამუშაოების დასახელება;

ბ) შესრულებული სამუშაოების ღირებულება;

გ) შესრულებული სამუშაოების რაოდენობა;

დ) შესრულებული სამუშაოების შედეგები.

5.3 მიღება-ჩაბარების აქტს თან ერთვის შესრულებული სამუშაოების დამადასტურებელი დოკუმენტები დანართის სახით.

5.4 მიღება-ჩაბარების აქტს შეიძლება დაემატოს ნებისმიერი სხვა ინფორმაცია, რომელსაც წინამდებარე ხელშეკრულების მხარეები ჩათვლიან მიზანშეწონილად.

5.5. შემსყიდველის მხრიდან მიღება-ჩაბარების აქტის გაფორმებაზე უფლებამოსილი პირია საფინანსო-სამეურნეო სამსახურის უფროსი ვასილ მარდალეიშვილი;

6. ფორს-მაჟორი

6.1 წინამდებარე ხელშეკრულების დამდები რომელიმე მხარის მიერ წინამდებარე ხელშეკრულების პირობების შეუსრულებლობა არ გამოიწვევს საჯარო მოსახლეობის გამოყენებას თუ: წინამდებარე ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

6.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მისი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან შემსრულებლის შეცდომებთან და დაუდევრობასთან და რომლებსაც

გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს: ომით, სტიქიური მოვლენებით, ეპიდემიით, კარანტინით და სხვა

7. ხელშეკრულებაში ცვლილებების შეტანა

7.1 წინამდებარე ხელშეკრულების დამდებ არცერთ მხარეს არააქვს უფლება ცალმხრივად შეცვალოს წინამდებარე ხელშეკრულების პირობები.

7.2 დაუშვებელია ნებისმიერი ცვლილება, რომელსაც მოყვება წინამდებარე ხელშეკრულების ფასის გაზრდა ან/და დამკვეთის პირობების გაუარესება, გარდა წინამდებარე ხელშეკრულების მე-2 მუხლის 2.2 ქვეპუნქტით გათვალისწინებული დათქმისა და საქართველოს სამოქალაქო კოდექსის 398-ე მუხლით დადგენილი შემთხვევებისა.

7.3 წინამდებარე ხელშეკრულებაში შეტანილი ნებისმიერი ცვლილება უნდა გაფორმდეს წინამდებარე ხელშეკრულების დანართის სახით, რომელიც წარმოადგენს წინამდებარე ხელშეკრულების განუყოფელ ნაწილს.

8. ხელშეკრულების შეწყვეტის პირობები

8.1 მხარეებს შეუძლიათ ვადამდე შეწყვიტონ წინამდებარე ხელშეკრულება შემდეგ შემთხვევებში:

ა) შემსრულებელი უფლებამოსილია შეწყვიტოს წინამდებარე ხელშეკრულება თუ აღმოჩნდა, რომ შემსყიდველი ვერ უზრუნველყოფს წინამდებარე ხელშეკრულებით გათვალისწინებული თანხის გადახდას;

ბ) შემსყიდველი უფლებამოსილია შეწყვიტოს წინამდებარე ხელშეკრულება შემსრულებლის მიერ წინამდებარე ხელშეკრულების ნაკისრი ვალდებულების არ შესრულების ან/და არაჯეროვნად შესრულების შემთხვევაში.

გ) წინამდებარე ხელშეკრულების შეწყვეტის ინიციატორი ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე არაუგვიანეს ერთი თვისა.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, წინამდებარე ხელშეკრულების ვალდებულებების შესრულების ვადების გადაცდენის შემთხვევაში დამრღვევი მხარე, ყოველი დაგვიანებული კვირისათვის პირგასამტეხლოს სახით იხდის წინამდებარე ხელშეკრულების ღირებულების 0,1%-ს.

9.2 საჯარიმო სანქციების გადახდა მხარეებს არ ათავისუფლებს ძირითადი ვალდებულების შესრულებისგან.

10. დავის გადაწყვეტა

10.1 წინამდებარე ხელშეკრულებით, მხარეები თანხმდებიან, რომ ყველა ღონეს იხმარენ, ურთიერთ შეთანხმებით გადაწყვიტონ ურთიერთობის პერიოდში წამოჭრილი ნებისმიერი სახის დავა და უთანხმოება.

10.2 ურთიერთშეთანხმებით დავის გადაჭრის შეუძლებლობის შემთხვევაში, ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

11. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2012 წლის 28 მაისის ჩათვლით.

12. დასკვნითი დებულებები

12.1 წინამდებარე ხელშეკრულება შედგენილია, განიმარტება და რეგულირდება საქართველოს მოქმედი კანონმდებლობის მიხედვით.

12.2 წინამდებარე ხელშეკრულება შედგენილია ქართულენაზე, ოთხი თანაბარი მნიშვნელობის მქონე ეგზემპლარად, რომელთაგან სამი გადაეცემა შემსყიდველს მეოთხე კი შემსრულებელს.

13. მხარეთა მისამართები და რეკვიზიტები:

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, მისამართი: ქ. თბილისი, ალექსიძის N1, შენობა-ნაგებობა N1, მე-2 სართული, ს/კ 202294980; სახელმწიფო ხაზინა, ა/ა 200122900, კოდი: 220101222

მინისტრული უფლებამოსილების ფარგლებში
დირექტორის მოადგილე ბადრი ნიაური



სსიპ „საქართველოს ეროვნული არქივი“, მისამართი: თბილისი, ვაჟა-ფშაველას გამზ. N1 ს/კ:211358957; სს „ლიბერთი ბანკი“, ბანკის კოდი:220101480, ა/ნ GE03LB0121160105327000

გენერალური დირექტორი თეონა ჯამვილი

